

陶文毅公全集

陶文毅公全集卷五十五目錄

詩集 七言古詩

苦雨歎時辛酉六月

書范氏三世節孝行略後

陳貞女詩

馬上望太行山

望浮邱山寄胡京南

東坪道中望辰山

曉發石門潭作歌

鸚鵡洲

題潘竹樓戶部竹嶼垂釣圖

消寒第一會朱蘭友邀同洪介亭顧南雅吳退旃
夏森圃雙槐書屋賞菊

沈江同駱廣文吳茂才暨家蘭江山長游慶雲山
憩景星寺尋七仙洞遺蹟有作

題郭令公簪花醉酒圖

書澧州分棚紀略後

有序

題墨蘭贈尹月三

先捷

贈任茂才

道

澧州范文正公洗墨池

款風軒

東田堰訪劉秀才

永會

贈別劉秀才

冠南

洞庭曲

題符又超

鴻

課春圖

初入

國史館作

題蓮花橋圖應李茂才

正定隆興寺銅佛歌

獲鹿塗中喜雨

太安驛觀韓文公詩刻

縣上行

洪洞望霍太山

謁華嶽廟

秦始皇冢

棧道弔蘇將軍

有序

梓潼過德將軍

楊泰

戰蹟碑作歌

有序

從軍西題李香齋師詩集

江口楊展破獻賊處

泊西界沱寄題秦良玉舊樓

有序

蓮花山宋文憲公

濂

初厝處

三峽堂長歌紀蜀游之勝

巫山月

有序

舟過神女峰

爲董眉伯

正揚

題秋山聽瀑圖

夜夢

李芸甫水部畫松爲子佩參軍賦

楓徑停車圖爲陳楓階賦

尋梅至崇效寺晚歸作

秋林覓句圖爲王守備賦

題法時帆前輩

式善

五家詩龕圖

謝唐鏡海太史惠九藥

次唐鏡海韻送周賓夫

鳴鸞

之江南省親

七星劍歌爲唐鏡海賦

贈別黎理堂刺史

賀耦耕太史有詩止酒作此和之

雪夜綳兒圖爲朱贊善

璠賦

杏林日暖圖題句

有序

董琴南太史

國華

招同陳石士前輩

用光

朱蘭友

侍讀

璠

胡墨莊侍御

承琪

錢衍石戶部

儀吉

謝

向亭太史

階樹

集花西寓圖爲消寒第一集賦

明宣宗醮壇銅琰歌

消寒三集朱蘭友侍讀齋中賦寶晉齋第二硯硯
作亞字形又名黼黻硯文伯仁有跋云出獅子
林池中

消寒四集胡墨莊齋中觀沈暉本元祐黨人碑

吳蘭雪舍人

嵩梁

齋中觀翁覃谿先生所補文文

山與吳架閣書

有序

題吳穀人先生有正味齋集

題屠琴塢

倬

邪溪漁隱圖

游金山觀東坡玉帶作歌

題鄧湘皋蓬萊觀海圖

同人集印心石屋觀李北海嶽麓寺碑舊搨本作

歌用李義山韓碑韻

有片

丙子十二月十九日梁茝鄰儀部招同黃霽青朱

蘭友劉芙初陳石士胡墨莊集齋中爲東坡先

生作生日

送謝指揮

煦

分郡兗州

黃霽青齋中同陳石士朱蘭友梁茝鄰劉芙初李

蘭卿敬觀紀文達公硯銘拓本紀之以詩用昌

黎石鼓歌韻

用東坡韻題雪浪石銘縮臨本應李蘭卿

王孝子詞

白節母傳略題詞

索黃左田先生畫漕河禱冰第二圖

吳巢松編修

慈鶴

賦長句題拙集次韻奉答

消寒集印心石屋以狼毫筆分贈同人

有序

題趙象庵舍人

試

菊隱圖

詩集 七言古詩

苦雨歎時辛酉六月

黑雲突起峰崔嵬
雄雷格格追雌雷
電光閃爍助威虐
一雨勢捲天河來
東西黯黯似塗漆
羲和停馭不敢叱
劃然一聲犀豹驚
官房民房十塌七
連村乞命紛叫號
但見平地生波濤
牒報不敢馳馬走
腥風吹上魚頭高
我時長安對空堵
上瀾下溼媯難補
一夜十徙敢言苦
惟聽鄰翁哭還訴
六七年無此雨此
時兀坐剛促膝
誰云六月有烈日
招涼不用黑蚌珠
始雨初一今廿一
川陝年來么

陶文毅公全集

卷五

詩集

一

麼橫指日一路饒歌聲天網豈容漏小醜霜刀自
合屠長鯨竭來造化多奇幻猶煩引過塵

皇情

詔以教匪指日就平
稍涉自滿致干天和自告

吁嗟此雨如有靈直教

一洗空戈兵

書范氏三世節孝行略後

聖人治天下大化首倫常男懷忠孝之心女秉節烈之
腸有一於此者

帝迺褒揚

一平陽范氏節孝一門夫死號稱未亡大節

解

凜如夫存當乾隆之中歲曾膺

聖恩

二解

家運多艱延及後嗣三世孤嫠之死矢靡貳聞於

天子

天子曰噫茲惟艱哉予嘉厥志

命守土旌其閭惟史臣紀其事

三解

節孝王氏繼室范明

經未占熊夢遽折鸞翎恩育前子孤苦伶仃俾緒

延於一綫九原之下目瞑

四解

其媳氏吉廿四而寡

有兒甫四旬呱呱枕下血淚縱橫襟衣欲赭常恐

母知結乃爲瘕冰井瀾寒霜幃燈地顧影高堂孤

絃雙寫

五解

兒今旣長爲娶於王於其祖姑爲從孫

行詎年二十不偶而孀有淚不敢哭懼二母之心

傷母兮多病揀草成方母兮旣沒哀毀以喪遺環

在手何時敢忘

六解

幸而有子可承宗祀以養以成

蔚爲佳士方正孝廉名實惟是天福吉門未艾方

始

七解

節烈之門自古有必報三世三孀同榮

紫誥揆其初心匪念所到語其家遭亦云不造然不如

斯何以見其節操境逆事難伊誰能蹈謹誌彤管

爲世人告

八解

陳貞女詩

明珠在赤水未剖已流光芝蘭生空谷無人亦自

芳芝蘭幽靜明珠潔天與貞女爲肝腸衡陽節婦

潁川裔秉質幽閑淑且惠早歲導言通麴餅杜史

高門聯伉儷伉儷雖許尙待年慘澹圓靈未及圓
南國風猶遲桃灼西湖雨已悲紅蓮平生未作一
面識望夫石上徒茫然呼天一痛神魂傷素車白
馬臨其喪入門斑斑總帷張卿卿不見空靈牀下
者黃泉上碧落欲往從之原所樂惟餘嬰子撒環
心一髮千鈞此身託以茲吞聲聊復生古井波瀾
如此盟齊眉舊事翻新樣靈前舉案和孟羹嚴風
蕭條寒夜發一燈孤照霜帷月淒其麥飯澆者誰
顧影高堂更白髮此生無祿真坎坷此身未亡力
猶可香甌慈竹春能陰筠管蒲盧音類我危巢風

雨秋聲急綢繆戶牖成家室回首深山抱璞心四十餘年如一日今茲六十矣皤然尙兒齒貞壽復以

帝錫光節姑崇號屹

旌坊花溼五雲新雨露翠標孤榦古冰霜如此節義世所欽謂是古人乃在今萬古綱常託此心衡山高
高灘水深

馬上望太行山

人言看山如走馬我道看山如逐浪一波未落一波掀萬丈洶洶爭跌宕盤蜨舞不可求雲氣乘

之如鴛舫嵯峨北戒太行來直走醫閭絕依傍萬
里騫海猛回頭泰山一柱西相向故知造物有深
心關河結束何精當今我對山方南歸昔我與山
同北上兩年蹤跡山靈知一笑分明故人訪舉頭
已自腰腳輕放眼彌令神氣王會須高翥凌長風
絕頂雲濤供一望

望浮邱山寄胡京南

昔年振策浮邱顛眼中腳底皆雲煙今年走馬浮
邱麓山北山南雨新沐山靈喜我今重來破空面
目層層開新妝明靚自呈露芙蓉萬朵抽天芡細

花飛瀑懸岩溼山坳茅庵自森立白雲倏去倏又
歸似有仙人招手入高莫高於增城之九重奇莫
奇於華岳之三峰洞天福地在眉睫逕欲往復窮
神蹤我聞浮邱子幽栖煮白石至今粲粲餘往往
留齒迹神仙俶詭事有無毋乃癯儒愛山澤韓公
賦華山屈曲願住塵世間李侯夢天姥乃欲脫屣
開心顏人生適意隨處是大隱小隱無彼此樂山
豈必長住山山中之人應莞爾

東坪道中望辰山

何羣山之莽蒼兮突一支以高仰岸然奇偉不可

千空中一落九千丈嵯峨從古少人行支閣日月
如燈檠六月寒氣豎毛髮白晝放出雄雷聲上有
蹲虎立豹之雄關下有崩虹裂帛之潺湲野猿山
狖欲上而無路往往啼嘯懸岩間或云山有圻其
中多香草性性大藥不知名食之可以長不老又
云密禪師披荆構茅庵文字斑駁留石墻而我
不到能無慙安得左拍洪崖右挹浮邱天馬騰驤而
爲馭白雲滉漾而爲舟長空浩浩風颼颼直從絕
頂包四角一息百里窮冥接君不見茂先博物號
多識遠綜九頭該八極一從福地入嫫媿始悟學

海難蠡測茲山况與二酉鄰焉知不有瑤函玉冊
藏自周與秦誓當稍暇卽蠟屐此言永踐毋逡巡
曉發石門潭作歌

羣峰西來何歲巍簇擁香鑪山名千紫微六時天半

吼雷雨驚起山龍作石飛凌空跌宕不得住蒼然

直向江邊渡古色如鐵堅無倫突兀橫流鎖煙霧

五丁之力不能開巨靈之掌何由來劃然一綫豁

神徑屹立雙戶眞奇哉絕壁猿猴不可上一柱中

流砥尤壯勢接兩岸森相向蒼穹上極下察淵此

中嵌空非一狀波浸琉瓈千頃足四山搖影春煙

絲資水一千三百里一一披猖歸約束我家近距

潭之湄日汲水月

潭上有水月庵

澆心脾祇今扁舟又

帝里他鄉還憶故鄉水作歌一笑酹江靈聞聲合有潛虬起

鸚鵡洲

大江西南來灝然不可收銀濤三萬頃湧此鸚鵡洲
鸚鵡飛已去鸚鵡洲猶名大兒小兒日中在搖毫
一賦何縱橫我來落帆黃鵠浦憑弔憐君心獨苦
亦知避患託腥臊亦知重命惜毛羽奈何株守樊籠間
一鸚坐受鴟鴞侮吁嗟乎亂世草竊殊洵

二
三
五
六
洵擇木無地依長松阿瞞梟雄猶棄士區區祖腹
安能容

題潘竹樓戶部竹嶼垂釣圖

一分茅屋二分水餘者三分皆竹子幽人嘯詠居
其中兀若老漁坐煙裏自言塵世苦紛紜對之不
俗惟此君平生酷有子猷嗜以竹自號聊存真開
廊結廡臨江浦盡日坐看青鸞舞酒酣卻學文湖
州萬个毫端散風雨清影如雲陰石骨水滿長川
足鱸鱖呼兒斫取簍簍竿獨倚巉岩釣明月此情
此景堪自娛此君何可一日無長安道上車塵滿

特令縮作臥遊圖秋風颼颼秋雨深披圖如踏古
徑陰幾片蕭疏帶殘葉滿堂寒氣生清心斑竹江
南古澤國應識儂家住潭側豈無森然欲作時相
頗爲寫瀟湘色

消寒第一會朱蘭友邀同洪介亭顧南雅吳退旃
夏森圃雙槐書屋賞菊

連日西風如發覆催放堂前金色菊詩人速客展
重陽一樽對花巾不漉入席雜坐禮數寬爾汝脫
盡儒生酸袖中賦草出新製顏弓宛轉同傳觀

是日

交課

卷下酒直與漢書似花底開函眞可喜封姨回

袖拂簾櫳萬點奇香生卷裏濁賢清聖不計觴酒

後耳熱聲謹揚十指突出小肉陣人影搖動紅燭

光維時座上盛江南多聞直諒人成三

謂南雅蘭友退旃

清標更得兩詩客西江宗派推精諳

謂介亭森圃

我如

樓煩操短箭初聞咄嗟驚欲炫支持赤手向中堅

旗鼓蒼頭當一面酒酣起欲呼湘靈古來楚客多

芳馨美人香草入篇什風首南國騷爲經人生晚

節誰彷彿老圃容看秋鬱鬱開簾一笑素心人菊

花原是吾家物主人起坐拍客肩爲花一醉花嫣

然人與花枝互醺酢詩懷花氣同鮮妍更闌酒散

收殘鱸猶覺餘芬在衣帶出門上車西復東銀鉤
半挂龍韃外

沅江同路廣文吳茂才暨家蘭江山長游慶雲山
憩景星寺尋七仙洞遺蹟有作

到沅十日九日雨斗室瑟縮如狗瘦湖天今日放
新晴呼朋權作青山主筍輿輶輶穿城來綠陰一
徑山門開選佛場遺自唐宋古牆曲磴迷蒼苔辰
山地脈走千里東來直下洞庭水誰知欲盡未盡
時兀然一支頓於此沅繞其左資流其陽瓊湖當
前浩乎湯湯赤山之險列後輩兒孫羅立包羣岡

參天老樹其名不可識但見柯榦虬張而螭肆梳
大獸跡禽鉤輅山阿之人兮戴羅白日至舊傳七

星洞乃在堂北隅古井怪石吐雲氣六時仙樂調

笙竽

相傳月夜每有笙竽簫管之聲
出井中人以爲怪畚土湮之

我聞洞庭之

山帝二女是在沅澧之淵瀟湘之浦寶瑟夜月彈

秋風江上青峰自今古茲洞毋乃其門戶又聞藥

山境昔有重華城慶雲一曲和八伯此山今猶傳

此名儀廷夏擊事已渺參差雨夜聞鳳笙

唐王融
七仙洞

詩參差
聞鳳笙

惜哉湮土嗟彼僊徘徊勝跡易蕪莽珠林

法苑空疇曩山樵野牧晦蝕多誰與爬梳出佳想

不見藍山巖舜洞碑君山螺髻十有二簫韶之峰
蟠九疑皆以好手簸揚之茲地寂寞豈其宜吾儕
落筆聲砉砉忍使青山笑游客放歌滿酌金英杯
醉墨淋漓雪色壁

題郭令公簪花醉酒圖

釵綵明璫搖絡索軟盤肉陣圍香閣美人把盞花
插頭彼大人者汾陽郭白鵬飛去豬龍夷馬前羅
拜皆蕃兒丈夫功名已如此有酒不醉當何爲憶
昔華清宮裏宴霓裳縹緲歌喉轉菊部音清嬌念
奴羯鼓一聲春雨濺忽聞鐵騎發漁陽梨花堂北

委香囊天子青驄西走蜀旅柝宵分聲斷續雲橫
尙寫十眉圖雨淋空唱三郎曲靈武居然號中興
花奴西來驕燈殘毘伽旣冊崇徽嫁和我遺策愁
金縢是時海內苦多事羣飲便教稱上瑞將軍告
身五花封持向街頭難一醉卓哉僕射如父兄陰
風颭起揮天兵手收兩京躬飲血縱橫河朔衝霜
雪朝廷已聯玉女姻軍中不怨新婚別華筵此日
揮瑤觥畫堂銀燭生光明艱難百戰早休息山僧
水叅羅鼎烹蛾眉二八雜嚙笑環立獨無絲竹聲
想因金甌得良相清節不累楊公名玉交杯濃綠

浮蠟且喜座無藍面鬼惜哉太白流夜郎不得同
醉玉浮梁古來功臣貴韜迹而施遠載鴟夷客多
情兒女亦英雄豈在閒居屏聲色人生行樂須及
時兵權莫待杯酒釋

書澧州分棚紀略後

有序

澧州六屬舊隸岳州生童應試跋涉重湖往往
覆溺康熙癸巳諸生劉芳躅上其事於學使薄
公

有德

奔走數年乃得入告有

旨分棚於澧州其孫正誼從余游將梓其祖所爲紀略求
余賦之

洞庭之險誰與比盪地浮天八百里昏晨出沒浴
雙丸萬古蒼茫作南紀蛟龍穴處人魚號其中怪
物如牛毛偶然乘風作狡獪吹出雪浪山峰高濱
湖西上古澧州六縣巖疆阻且脩奚爲輜軒采風
日直教冒險來巴邱每當府檄一朝下橫空莫遣
龍鼉駕衝波一葉淩長風頃刻性命空悲咤卓哉
劉君眞仁人但能奮義不顧身數載奔波忘艱苦
欲呼閭閻排

紫宸觀風使者瀛洲客惻念輿情弊思革一封入告荷
恩綸咫尺山川路不隔至今履坦餘百年舊德猶在人心

鐫遺編一冊蝕古墨想見迴瀾有全力大書深刻
告來茲億載長歌

聖朝德

題墨蘭贈尹月三

光捷

虎頭畫法古無比今之畫者恍惚似

蘭係顧
南雅作煙墨

數點出新意勃勃清香生絹底根荜故與衆卉殊
不俗之氣如吾子持歸張向畫屏前秋來好夢湘

江水

贈任茂才

道

彥昇磊落古詞客皎如玉樹標風格胸中鏘鏘有

虹霓吐出光芒動人魄幾年燈火記同遊講習之
益收麗澤揭來南北悵分飛相思一似春雲積湖
州講席喜重逢時館
湖氏拍手依然笑談劇風塵愧我
馬牛走雲路憐君鵬鶚翻深杯且共傾金樽醉倒
西窗月色白

澧州范文正公洗墨池

古波盈盈石子黑猶作硯池風雨色八百年來蹟
不湮小范老子曾洗墨丈夫意氣無近名廊廟未
易江湖情想當四片畫弼日豈祇弄筆稱書生乃
知佳境因人異一水一石關精意不然筆墨徒汚

人姓字反爲山水累不見一勺萊公泉拂鬚參政

名不傳

寇萊公丁謂先後南遷過武陵甘泉寺題名張南軒乃大書萊公泉三字揭寺門不

欲謂之名

汚泉也

款風軒

主人構軒名款風高不十尺寬如弓科頭白日白
靜坐常有天籟生其中繞牆竹子亂插地璆然忽
作交加翠跳身逕入黑甜鄉一枕會到羲皇意人
生塵土何爲哉相逢且盡掌中杯入吾室者惟此
耳一笑故人簾外來

東田堰訪劉秀才

承曾

野塘瑟瑟風戰蒲綠蘿一逕迷繁蕪有客新從柳

園至

時自公安訪袁中郎柳浪園故蹟同

乘興直訪煙霞屨入門一

笑理塵壒拍手童稚爭歡呼舉杯一酌復一酌頃

刻几案羅山膚談詩讀畫意不極墨妙入眼皆鴻

儒

主人出錢南園梁山舟兩先生手卷觀之皆精妙

是時衆綠環夏幄田

間大可風舞雪鱗鱗東堰乾未透一衣帶水侔江

湖臨流尙作望若想結盟逕欲偕鷗鳬披襟散步

此憩息天坡解脫生怡愉長松夾路何謾謾古墓

更望僧浮圖

君祖瑄崇禎時檢討鼎革後隱於僧墓在堰北

名高大雅埋

不得達人有後應非誣語君努力且爲樂眼前已

覩雙真珠火輪踴躍下山腳揚鞭又賦歸來乎踏
月入城夜已靜一路尙似游冰壺

贈別劉秀才

冠南

劉郎仗氣氣不俗落落清標植如玉劉郎論交交
最堅春蠶吐繭心纏綿我交劉郎十年久風雨名
山共疏隔一從南北潤縉塵關山銅笛愁楊柳今
春益水重相逢銜杯同醉金芙蓉滿懷離索苦難
盡風花又惱浮萍蹤丈夫四海有離別豈在臨歧
重惻惻但能心似金石貞依然古道照顏色日暮
解纜寒江東蒲帆漠漠淩西風回首望君君未返

憶君長在五雲中

洞庭曲

洞庭波兮月初起老蟾嬉風光齒齒寒星搖動携
蒲子蒼然煙霧連空生中有一枝柔櫓聲隔水鳧
鴨俱飛鳴露氣上時衫影白蘆花兩岸秋如雪美
人不來腸斷絕

題符又超

鴻

課春圖

時令
洪縣

春煙漠漠女桑柔使君行春來陌頭春雨滑滑田
泥熟使君樹邊聽叱犢黔黎心感使君賢攜籃荷
鍤咸欣然詠歌自食太平力畫圖一幅春雲邊從

來教養需良牧衛風有斐人曾讀爲問河陽一縣
花何如淇澳千竿竹

初入

國史館作

國家肇啟朱果祥

真人崛起東北方綜攬八極宏

帝綱禽獮草薶恢土疆遂受

寶錄歆

穹蒼罄天之下咸享王武功旣鑠文德光

國書製自蓬海詳宏文三院尤焜煌億千萬載垂典

章以

聖紹

聖唐哉

皇東華之門內東傍玉河流水交紅牆是爲

列朝史所藏石渠天祿儲琳琅翰林先生幾奉璋翩然載

筆羣趨踰爲左倚相爲邱明叶爲公羊高爲穀梁

六星奕奕斗戴筐椽筆直接韓歐陽顧余何人忝

雁行簪毫亦許參翺翔尙記舊館登庶常班管八

爲忠義香

乙丑曾充功臣館纂修

四年林下扇山窗分隔天

上黃金堂重來劍氣磨干將臣朔仍飽粟一囊綠

陰浦地雲滿牀三竿日與春風長小臣何幸躬

聖良敬稽

帝典廣載颺渾渾灝灝追虞唐

題蓮花橋圖應李茂才

有客示我長橋圖村樹厖厖雲模糊破空飛起六
十丈平地突見青瑤鋪七星半月何足狀蓮花雙
葉名相符乘船直擬下太乙千巖萬壑紛跳珠春
陵佳氣接蔥鬱清瀟南走湘北趨有時春波障迴
綠九疑倒臥峰影巖此橋創始自唐代一千年來
陳迹蕪虬潭忽訝飲雌霓雁齒重見交銀鱗山川

十里發光彩不獨來往稱康衢還君此圖爲君賦
他日著屐尋三吾

正定隆興寺銅佛歌

穿城一徑紅牆繞隆興之寺何窈窕輝煌金碧湧
樓臺殿角直出浮雲表搏泥斲木千萬佛一一佩
詭窮工巧就中觀音尤有神冷銅爲質何夭矯其
高七丈尺有三肩宇軒豁垂鳥爪像成尙憶開寶
年發願寶自澄空造龍象由來有廢興霜頽雨蝕
幾秋草

聖朝功德邁宋唐不惜鉅萬捐金寶爲民祈福有精義

非關塗飾崇枯槁我來正值夏六月酷暑無計除
煩惱就館逕上層樓顛天風振袂雙睛瞭所嗟老
魅虐驕陽千里平疇跡如掃菩薩願力誠宏深慈
悲忍見溝中殍願借手中甘露枝指揮一救原田
燎

獲鹿途中喜雨

山風颯起吹檐梢霹靂格拍催天礮破空飛出十
丈蛟亂點白雨如珠拋須臾倒灌盈堂坳建瓴一
瀉奔怒濤農田已分龜兆焦得此何啻油與膏乃
知天意哀民勞補種且得滋秋苗四野立見騰歌

謠歡呼

帝澤如唐堯我時秉節馳星輅路滑豈敢愁硃礮失喜
洗出山峰高纖塵不動清光搖

太安驛觀韓文公詩刻

古亭十尺寬兩弓高碑屹立森當中誰歟作者詩
人雄二十八字騰長虹園花巷柳青春空團團月
色馬首東大聲一發開羣聳庭湊何人敢肆兇直
前指揮如兒童惜哉朝廷成養癰舌戰雖勝終何
功我

朝四海車書同南諸北變惟德風西來路不盡大蒙

東道日出扶桑紅豈有嵎負驚煙烽坐朝萬國臨
九鴻卽今持節趨鸞叢萬里浩浩雙花驄書生何
幸生

時雍先驅弩矢行從容題詩且傲昌黎翁

縣上行

縣上聚何懸懸縣上用何縣縣縣懸懸不可極
覽古行人生歎息烈山一炬不逢人枉與千年作
寒食昔爲從風蛇今爲曳尾龜國有君矣焉用文
之璧可授亦可沈舅氏豈必皆同心留者誅去者
熱猶勝魏準與顓頊古來梟雄矜擊斷安樂何知

同患難君不見漢帝不報紀生功
假王烹死咸陽宮

洪洞望霍太山

昨日別霍州霍山馬前留今朝入洪洞霍山馬後
送山靈戀戀殊有神宛轉恰似隨詩人白雲一縷
不肯去徘徊久乃成魚鱗我聞山神不欺趙襄子
唐宗之言亦如此每到有求神豈能偏問行人作
歡喜平生嗜好鍾煙霞蠟屐一著輕崕嶸祇今簡
書有程限天邊空對芙蓉花且喜三朝多領略心
邊陡立山邊腳何時小住驂茅龍回頭更與青山

約

謁華嶽廟

昨日雲氣殊濛濛渡河不見三華峰虔心齋祓默
叩禱欲藉神力開陰蒙山靈大好識客意一夜放
出青芙蓉凌晨騎馬出城郭初日照耀神山紅輿
人僕夫悉驚怪謂此難得誠神通既感且愧且自
喜異事何異昌黎翁行行西上三十里日光不轉
秋毫窮少焉嶽廟適當道秦槐漢柏闢蔥蔥

國家告秩有常典碑碣林立鐫穹隆升階俯仰厯石
級滿壁圖畫森蛟龍旌幘窈窕列丹仗冕旒秀發

神當中兩廊仙子跨鸞鶴天樂耳畔聞三終卻尋
苔徑入後殿萬壽閣對金天宮其西玉女敢窗牖
其東蓮花吐蒙茸其南一峰卽落雁外獨蕭穆中
藏鋒羣山環拱聽命令但有真氣無妍容大似古
來志節士特立不懼辭阿逢名山到此意俱靜對
之凜凜生嚴恭是時秋色遙在地檣帆歷亂船司
空中條古翠壓雷首巨靈蹠坼長河東山川一覽
不芥蒂八九定可吞雲夢下樓山色溢眉宇一路
尙似乘罡風茲游奇絕得未有敢謂誠意迴天公
何時五嶽入周覽會須杖策隨僊松

秦始皇冢

秦始皇吁可駭上掃五帝如游塵下驅六王如折
筭長城新築阿房開更欲揚鞭渡滄海童男童女
去無蹤不見神仙見山鬼華陰道士使者歸但道
今年祖龍死祖龍死祖龍非龍乃蛇耳當時路旁
嫗早哭白帝子輶車一夜沙邱來白蛇化作魚干
尾南山表闕竟何用一坏仍在驪山趾百官珍怪
委銅櫨三泉灌輸通金祀幽宮未覺白骨寒高原
倏見黃塵起回看昔日驪山從此時半作侯王矣
人生失勢豈可常亡羊牧豎紛來此可憐一炬咸

陽灰燒到冢中猶不止

棧道弔蘇將軍

有序

將軍名維龍官遊擊嘉慶四年二月教匪張漢
潮自三岔竄唐藏將軍遏之力戰三時大罵赴
賊死兵丁焦忠孝恐賊毀其尸乃自說爲將軍
被賊支解一軍皆盡賊退土人瘞其遺齒立廟
以祀後奉

旨贈參將焦忠孝亦贈千總守備尙某以觀望被杖自
勒死

蘇將軍氣如雲報國淚常焚焚

聞將軍在營中每
言及勦賊事輒歎

歟太
息忽聞有賊至奮起聲如霆一解或曰賊萬而我

五百人百一之勢懼不敵將軍曰嘻殺賊是吾職

丈夫死職耳焉能避鋒鏑二解將軍馳而左壯士亦

皆左將軍馳而右壯士亦皆右將軍愛士得士心

轉戰而前誰敢後三解賊既不得脫士亦不肯休頽

雲慘慘苦霧合戰血噴起懸崖愁四解維時日向暮

苦戰猶不已手揮魯陽戈面著雷公矢須臾馬踣

一蹶不起將軍大呼曰吾得死所矣慷慨而結纓

壯士皆死之五解死之日難民方作壁上觀曰有焦

忠孝同時被寸剗生爲烈士英死爲雄鬼先爲民

捍大患配祀無愧焉

六

吁嗟乎豺虎縱橫兵雜沓

將軍不死必死法

初聞賊從唐藏衝出有軍法從事嗣因藩司陸有仁言

旨

將軍死狀

特旨問經畧額勒登保將軍桓

瑞巡撫秦承恩所奏皆同遂

命照卹有加泰

山鴻毛等死耳得死爲難何用怯君不見閭邱不

救張睢陽身死杖下誰爾傷

七

梓潼過德將軍

楊泰

戰蹟碑作歌

有序

嘉慶庚申春教匪冉添元等偷渡嘉陵江擾及

劍州梓潼一帶川西大震將軍輕騎追及擒斬

略盡土人感之立是碑

妖星夜向西川地長蛇吮人血流赭赫然一震迅

雷霆將軍旗鼓從天下憶昔么麼煽亂初祭酒鬼
卒號嗚嗚始由襄鄖及唐鄧遂渡漢沔穿夔巫數
千里內肆蹂躪勢若火燎秋原枯卓哉將軍好身
手長嘯欲激龍泉吼健銳故是伏飛英叱咤曾令
逆苗走有

詔將軍兵最精指揮更作巴西行西行幾載冒鋒鏑
澗緣崖事控剔霜刀不放鯨鯢逃晴空屢見鷹隼

擊

將軍前後斬獲劇賊姚之富齊二寡婦高均德

高二羅其清冉文倚龔文玉卜三聘楊開第龍

紹周徐國遂得籌參裴令公

謂經略額公將

遙看

幟樹楊無敵

謂提督楊

公遇春三巴已靖人可耕移兵北

向趨階成誰知晝伏夜復動窮穴突出颺與駐將
軍聞之捲甲返疾馳颺若風雨聲是時羣賊正蠶

起我軍新敗鼓聲死

總兵朱射斗戰沒於蓬溪參將以下死者十餘員

欽

鴉得意毛羽張投鞭欲斷涪江水士女倉黃如亂

麻牽衣跣足哭不止將軍下令整旦嚴持滿勿發

視吾矢餓鴟忽叫箭滿眼十萬賊人同草靡

賊合黃號

徐萬富青號汪瀛線號陳得俸等十數萬人蜂湧
迎戰將軍令軍士持滿俟賊近乃發萬箭齊出遂
擒陳得俸賊冉添恒冉添元帶箭而逃窮追五日四接戰手斬鴟狐

戮封豕

賊自武連驛奔江油五日四戰射獲冉添元及楊正明陳國祥鮮其順等冉添元善

用埋伏爲衆所推既就擒賊遂大潰

輕騎進解四寨圍歡聲上沸天

雲委

白號賊張子聰雷世旺等渡清河焚太和場追躡大破之斬雷世旺生擒數千人時谷成

太和仁和仁義四寨爲賊所攻哭聲震地大軍至賊驚遁圍解難民萬餘詣營叩頭而去潼河

兩岸遂肅清

賊連敗於中江三台殺偽總兵張長生等餘賊搶渡嘉陵江追及擊以大

破賊溺殆盡自是賊不敢西渡望見將軍旗幟輒走蜀人至今廟祀之重脫刀兵事

耘耔嗚呼此戰何可無稍緩須臾蜀危矣祇今事

隔十年來陰雨猶聞鬼夜哀山坡往往拾遺鏃斑

斲血色凝蒼苔豐碑屹屹當道路惜無文字鐫崔

嵬

碑上僅刻將軍官階及萬民感戴數大字

我行棧道綠苔線恍惚當

年此酣戰如公自是頗牧儔卻憶潢池誰召變

教匪

初起建白旗以官逼民反爲辭幾人善學孫吳書不如且讀循良

傳

從軍西題李香畬師詩集

師諱方穀成都人官永綏同知

從軍西從軍西乃在舍衛之奧崑崙谿

廓爾喀在烏斯藏西

其酋嘗入後藏滋擾乾隆五十七年嘉勇公福康安超勇公海蘭察等討平之

大章豎亥

行跡所不到常有太古之雪山顛齊草堂夫子昔

秉鐸

師嘗主草堂書院講席

筆鋒觥觥天外落大吏知人幕

入賓

時以教諭隨營司書檄

三年蠻語歸囊橐歸囊橐皆詩

材危峰萬仞起方寸墨花燦爛和雲開吁嗟乎西

川古稱行路難况乃西川之西道路尤漫漫怪公

書生健腰腳萬里草檄窮征鞍不見菩薩巖阿孃

壩

省地

鐵凹山前皮作船

山深雪厚處人不能行以皮爲船牽之而過

金沙江上囊爲駕

羊革爲囊騎以渡水

王卡

山林深豺虎驕名

公拉

地名

月黑骷髏咤想當駐馬揮毫時神鬼倉黃

奔擊下我聞班孟堅勒銘向燕然竇憲何足道猶

爾資留傳何況

聖朝聲教空往古無雷不夜皆中土小臣職在諧樂篇

請歌此詩補常武

江口楊展破獻賊處

扁舟夜泊江津口野鳧拍拍翻輕艣片月遙穿蛟

窟來光明有若金珠吐獻賊當年肆荼毒鋸齒人

呼黃面虎火城雪鰍等嬉戲白骨如山壘人脯礫
聲一發天亦驚六丁錯愕收雷鼓遂令平地血流
紅杜鵑不敢嘯冤苦藏金按刮靡子遺卻欲潛蹤
變商賈嵯峨大觚橫江來一炬移時化灰土至今
遺鏹捲寒濤往往掇拾隨魚苦嗟哉草賊何代無
祇爲興主供前驅英雄成敗有數定不遇時會功
難圖君不見楊展驍雄蓋西蜀血戰幾年空逐鹿
豈知

天兵天外來一箭吹簫不用竹

泊西界沱寄題秦良玉舊樓

有序

樓在石砭廳署後凡三層中層良玉所居今設
像以祀所川白桿兵尙存鄧太守說

忠州女子天下奇父是秀才

良玉父名葵
忠州明經

夫土司

天生智勇不世出坐令巾幗慚鬚眉詞翰淹通意
嫺雅錦袍豔照桃花馬天子臨朝識姓名請纓獨
對平臺下白桿之兵銳無前巨寇親擒射場天弟
兄死國身許國平生忠義何皎然陸知州誠可恥
肉眼不識奇女子抽刀斷袖應羞死邵捷春亦庸
才坐受屠戮吁可哀吾謀不用竟如此嗚呼羣鼠
真來哉夔門已失關塞黑忍使此身重事賊閉關

坐臥小樓中大節直同文信國何須更論洗夫人
多少麟臺愧顏色

蓮花山宋文憲公

濂

初厝處

蓮花山俯夔州署曾是宋公埋骨處玉棺移葬華
陽西垓土人猶識遺厝當年應運開太平禮賢館
內皆人英仙華山客最博雅文章一代推先聲天
子尊賢兼尙齒歡飲親呼醉學士朕有孫兮卿教
之朕教卿孫亦如此豈知一朝黨禍興竟殺卿孫
戊卿死吁嗟乎飛鳥盡兮良弓藏賴韓功大皆誅
亡怪公儒生事文墨何關殺運投要荒從此朝廷

無老宿馴致齊黃秉鈞軸天道明明每好還轉眼
干戈生骨肉

三峽堂長歌紀蜀游之勝

詔書五月頒皇華西川萬里浮星槎井維之野洵奇絕
賤子涉厯言非誇太華西來入棧道雙趾初乃經
礧礧大巴小巴插空際空湧石氣開了又劍門雙
闕尤陡峭一綫但露天橫斜嘉陵白水不可遏會
合潼雒趨渠巴成都沃野古天府錦官燦爛芙蓉
花琴臺草堂坐嘯詠青城六對環籬笆東來小作
嘉州住三峽笑視斟流霞烏尤曉發勢箭激二水

奔突如鬪蛇清溪石色縹雲錦兵欄照耀深紅塗
塗山絕頂見禹穴雄關正對恭州衙渝兒顏色比
花麗爲我一曲徵紅牙酒酣起舞向明月黃草峽
落秋天葭是時涪州水勢殺石魚鼓鼉紛揚葩卻
尋李白讀書室巴陽石大轟盤渦上崖下崖不可
到萬壑回首森眉麻豈意夔門最高處更有古堞
圍闐闐荒亭百尺俯絕岸嶄崖四起烘朝赭中流
巨浪聒天響石根卓立千斤摩東望峽氣接白狗
巫峰十二排脩姪山川咫尺發光怪坐令五色開
詩芽振衣濯足意不極江煙欲動風颭颭壯哉

高復臨水四顧無物非蟲沙人生碌碌事奔走不
入蜀道猶非蛙

巫山月

有序

巫山女子善笛將嫁之夕鄰女羣集吹以送別
爲作巫山月一首

巫山女兒豔如雪雙鬟巧作同心結踏花從未越
香溪少小焉能識離別東家昨夜聘錢來百輛門
前羞欲發陽臺咫尺覩行雲欲問分明口難說西
鄰女作亦嬌嬌短簫爲試唇邊鐵含情默語如琵琶
一聲吹裂關山月空江應有臥聽人遙夜孤篷

霜欲白

舟過神女峰

峽氣襲人秋耿耿巖迴岫複殊人境山靜微聞鶴
鶴聲潭空俯觀蛟龍影一枝柔艣搖浪花仙風吹
落香雲冷

爲董眉伯

正揚題秋山聽瀑圖

石徑葉老層巖封一雨洗出青芙蓉秋聲浩浩不
到地天矯惟見雙白龍急溜忽瀉雷裂石餘點亂
落風入松天門萬丈立雪色絕壁但有微雲通漱
流得此百自在俗響不入幽栖胸君家羅洋青田

東海門日激扶桑紅天台鴈蕩接咫尺往往風雨
迷蛟宮臥遊幾歲在林下圖成紙上猶淙淙月來
風色太作惡禾田灰起燒晴空去冬無雪至今五月尚無雨安
得懸崖之匹練化爲霖雨蘇三農大瓢儻卽分點
滴相期共踏赤鯁公

夜夢

夜夢定省如兒時圍爐旁侍香炊粢忽然見責罪
且答謂兒有藥不自治疾疾儻益何以支兒懼而
走杖及之背痛隱隱醒猶癡人生愛身嘗苦遲九
原早慮兒無知無知曷報九原慈雨汗旣浹成漣

附錄
卷之三
三
涵

李芸甫水部畫松爲子佩參軍賦

李侯畫松如老螭著紙俱作鱗之而破空勢起不
得住風雨一霎迷天池阿兄矯矯歲寒操秉質况
是山林姿特令寫此好根節要使俗子驚須髭顧
我園荒舊三徑故物入眼宜爲辭披圖一笑燈影
黝霜華搖動青銅皮古香滿地寒不掃黛色參天
疏白支想見蕭齋挂壁夜定有雲氣歸高枝

楓徑停車圖爲陳楓階賦

尖風瑟瑟吹晨霜嶺花未發籬花僵天公卻恐少

顏色一夜放出山楓香胭脂萬斛染不就瑪瑙一
片寒生光攬空不覺落紅雨滿徑尙與支斜陽櫻
鞦桐帽者誰氏忽驅轂輟穿羊腸停車俯仰就石
磴掃地曲折安匡牀是時山中特岑寂白雲散走
開羣岡人家厯厯翠微外坐攬遠色來蒼茫花耶
木耶渾莫辨千樹萬樹何菲芳丰姿映發作酒態
古豔掇拾歸詩囊祇應木客共嘯詠不許野馬同
飛揚楓人含笑亦自得使君有術回春陽眼前物
物足生意肯與世俗爭炎涼他時圖畫儻可續著
我杖策偕徜徉

尋梅至崇效寺晚歸作

山人生長梅花國日嚼梅花壯寒色清香萬樹破
枝來照耀山南與山北自從人海遊塵昏十年蹤
跡疏家門良宵每結湘水夢老屋一角蘇芳魂朔
風昨夜穿窗響滿地雪花飛似掌臥閣難爲汗漫
遊衝寒忽作山林想南城之南頗森邃雖非山林
有山意古寺新花冷更開芳心乍噀枝橫翠朝來
約伴同徜徉馬足健踏迴筠廊瓊瑤幾點自成態
白日欲暮雲羃黃隔離恍惚參橫影三枝兩枝氣
清留神女霜天襪不塵仙人月夜笙吹嶺吾儕結

契凌煙嵐乘興所至能幽探
灞橋雅有尋詩客茲
遊何必非江南

秋林覓句圖爲王守備賦

遠山四角開畫屏木葉欲脫懸崖青
西風一夜捲甲兵千林忽送新秋聲
將軍獨起南山行亦如秋士含秋情
草間雙屐來登登石牀返照苔花明
此時心目皆空靈發響但覺猿鳥驚
卻看世路成趨趨擾擾塵轍何由停
嗟君健者今之勅挽強逕射詩壇墉
遠與競病誇殊能尋常弄筆嗤書生
十字未許輕王平披圖一笑雙目瞠

題法時帆前輩式善

五家詩龍圖

五家謂盛山甫舍人蒨醉峰學

正玉達齋中丞羅雨

峰王春波兩山人

梧門居士金仙人說法今現詩龜身三車盡掃辟
支果拈花一笑諸天聞衆人耳詫勝義諦謂此夙
識無依因豈知甘苦悉自得十年面壁惟精勤維
摩丈室柳灣側翛然一榻辭俗氛當其瓣香坐嘯
詠梅檀簷菊交氤氲曖曖雙目但內視須彌芥子
俱微塵輕量主客滌宗派教化廣大開覺門遂令
好事入圖繪山水布置爭鮮新小橋十里樹一色
綠雲圍繞詩人村五家寫景各入妙不同其孰同

其神詩耶畫耶人斯在鏡花水月皆天真此中三
昧未易識縱觀吾亦聊云云

謝唐鏡海太史惠丸藥

夫君蓄藥如蓄書珊瑚木難無不儲夫君取友如
取藥調劑溫平起癰弱我廬君屋咫尺間

余居椿
樹頭條

衡衡君居
二條衡衡街南道北時往還每看小草陋餘子肯

爲遠志徒深山憐我蕭齋十日臥頭風有似江船
簸伴來忽致萬金丸絕勝大還燒汞銕雪花漠漠
雲英英打窗風色寒燈檠取水試咽百十粒泥丸
宮暖春氣生我聞藥性如人性良楮不齊殊證病

我病今以君藥痊始識與君同性命人生百年鼎
鼎爾獨讓仙人長不死何時散髮縱天發共入山
中餐石髓

次唐鏡海韻送周實夫

鳴鷺

之江南省親

閉戶笑我秋鶴臞平生才藝百不如看君獨若干
頃湖胸中浩浩煙雲俱隨身一劍青芙蓉光氣瑤
錯時俗無偶然研琢京與都平子太沖供前驅竭
來淚落鮫人珠文章無力通簪裾笑君狡獪中更
愚篤好及我堪胡盧頻來抵掌情不孤冷齋頓覺
風味腴眼底局促轅下駒致遠未足羨長途况乃

平地生嶽嶠誰其健者登之衢我輩縱披衣衣儒
樸斲若此材何需方當四海呼叩須贈言豈比詒
癡符願勿脩鵠隨短鳬庭計日聞過趨發揮家
訓宏遠謨塵土面目歲月逾君其商略眉與鬚我
以此詩爲契繻

七星劍歌爲唐鏡海賦

寶劍長三尺其光何黝黝入海曾斷瘦蛟脊被空
每作長虬吼血色拭不淨數點零古青乃是歷歷
落落天上北斗之七星云昔歐冶鑄劍時呼六丁
排九魘風伯鼓橐今雷公從之越三日三夜無纒

火兮爰淬之以雨師白日黯黯煙蒼蒼星精下視
來其旁忽然躍冶不得往化爲一劍寒生芒我聞
魏孔周其劍曰霄練又聞孫仲謀亦復有紫電干
將莫邪雖云奇麗天之寶誰能擅惟有子胥渡江
時脫劍與漁人其上有七宿炯炯干星辰銘曰可
寶直百金無乃此劍留至今世間得失滋恩讐含
笑有贈看吳鉤多君斂鍔不俗忤但有真氣橫斗
牛我爲歌君爲舞此劍幸不辱俗手滿堂動色驚

風雨

贈別黎理堂刺史

沙風獵獵吹涼秋
黎侯南來乘紫驄
下馬一笑雙

洗眸十年不見眉
影影憶昔結伴登瀛洲
維楚六

人蘭臭侔六人四出
君與萬璞軒林
虛亭馬湘門兩獨留
余與
易石

坪兩留食粟猶編修
四人兩已領專州
君與
湘門始知

功名在駿猷爲郎
何必無白頭
馬生前歲之海陬

易子今又歸宅憂
君來彼去面未謀
獨我相對傾

綠鬢人生聚散如萍
浮不改面目
夫何尤聞君爲

政不競絀變化能使
鷹爲鳩
往者龍泉有鴟鴞乘

虛忽起呼啾啾書生
手無文八矛談笑已
運張良

籌
辛未秋天地會匪
賊龍泉令公出突起滋事
君時令泰和往定其亂有
旨送部引見遂

令束縛來相投指揮盡解腰閒牛

帝曰都哉茲惟休朱紱之錫庸爾酬五雲矗矗天際樓
拜手受

命躬僂僕卽今復作南州游滕王閣下歸輕舟吳西稚
子歡且謳竹馬重迂郭細侯所嗟戎馬猶道周漢
池盜弄吁可愁安得百輩如君儔迨天陰雨先綢
繆不勞斧鉞歸虔劉男兒得志何所求我方學仕
君能優臨歧佇立情悠悠努力物色輝松楸
賀耦耕太史有詩止酒作此和之

今子曷不醉席上尙有肴不見竟豫人刮地無芻

菱今子曷不醉
釜中尚有米
不見大河南
荼蓼甘如齏
今子曷不醉
眼中尙無兵
不見潯滑間
骨燼高如城
今子曷不醉
堂坳尙無水
不見睢邳民
出沒煙波裏
噫吁嚱
人生天地一牛毛
得過且過如寒號
安能規規翦翦有酒不醉沽
牢騷

雪夜細兒圖爲朱贊善

珩賦

天意欲雪雲模糊
打窗葉落庭樹枯
開窗得此好東絹
太息畫手誰描摹
嗟君襁褓遊父病
牀底蟻鬪愁
呱呱可憐阿母視
藥罷乞鄰而乳
勞負趨欄杆
捫歷凍已結
手足皸瘃侵肌膚
入門喚主慘不

發兒方得飽母則劬吁嗟此景卅餘載回聽夜雨
猶號烏我亦鮮民少失恃血痕在臆難爲圖三牲
五鼎竟何物操刀翻愧孩嬰愚次女瓊姿頃以母
疾甚危潛封其左
挽肉以進獲愈
呼
時年方十三也還君此圖識君志卷底似有風號

杏林日暖圖題句 有序

還川熊相國 賜履 典會試時勝聚奎堂楹云棘

院風清靜聽儒生吟霽月杏林日暖行看太史
奏卿雲蓋康熙三十一年書也其時會試未改
三月故勝首署甲戌仲春至是已一百二十年

矣適以分校禮闈獲睹筆蹟同年生孫少蘭

世

昌姚伯昂

元之

摘勝中杏林日暖四字爲余作

幘伯昂作花枝少蘭綴游蜂焉緬景興懷前輩
風流宛然如昨因成七古一章以紀一時之盛
並請諸公和之嘉慶十九年甲戌三月初八日
書於貢院之第十四房時以編修改官江南道
御史甫五日云

帝城三月熙春陽百花送暖吹天香紛紛翹材集秀彥

掄英大闢登科場義義尙書兩先達

錢塘章象宰
煦吳江周宗

伯兆
基特奉

詔旨羅羣芳王公寶公

青陽王少宗伯宗誠長白閣學寶興

作副貳風斤

月斧同裁量司花更假羣佐力十八人列東西房

就中六人實岸異名閣攬勝初韻顏

戶部龍南徐名紱禮部浦

城達麟工部儀徵汪全德編修祁門謝崧金匱俞肯堂檢討善化唐鑑皆初次考差舊人內

外數亦六武陵重復通漁航

給諫六安楊澤曾錢塘潘恭辰御史合肥

黃鳴傑桐城孫世昌編修宜黃謝階樹瑞安林培厚皆曾分校順天鄉試中允海鹽朱方增侍御新城陳用光編修桐城姚元之刑部欽縣程祖洛中書歸安姚學棻及澍皆曾出使爲主考官內外各人諸公夙具迦葉相天花燦爛歸平章如余鈍根

乃凡卉美人香草慚瀟湘六年供職

自壬戌叨入詞垣乙丑擬

職旋歸籍戊辰冬始入兩拜京前後供職五年有餘

命

庚午典試四川

看花詎謂雙眼明

叶

散花仙人一齒粲

謂分卷官

工部太谷武橫戶部整屋路德

判花使者雙眉揚

謂內監試給事中滿洲齡椿儀

徵程贊清

長安一日看不盡笑幾蜂蝶為春忙孫姚二

子今道子縱筆肯為苔紙祥遠摹舊蹟寫春色滿

林錦嚨花枝颺此花此枝本仙種倚雲合栽紅日

傍一微塵灑辭不受曲江銀榜增輝煌回思先甲

逮後甲百年雨露

天恩長吾儕模楷自前輩敢以恭敬私維桑

熊公湖北孝感人

公心印今故在朱衣未可徵渺茫

熊公癸丑甲戌丁丑庚辰凡四

典會試堂櫺有老去復衡文鑒別敢云雙眼豁年來頻相士虛公惟有寸心知赫赫科條袖裏常存

惟白簡明明案牘簾前我
何處有朱衣皆公語也

皇樹人邁棧樸春華秋實宜具詳世間花樣漫新舊努

力爲

國收棟梁

董琴南太史國華招同陳石士前輩用光朱蘭友

侍讀珩胡墨莊侍御承琪錢衍石戶部儀吉謝

向亭太史階樹集花西寓圖爲消寒第一集賦

明宣宗醮壇銅琰歌

董生好古得古物示我一琰形製殊琰高一寸圍
二寸兩耳四足青銅模其當有文作宣字或云鍊

治來宜鑑章皇好道史不載醮壇之說疑其誣不

知張家斗米賊加號已允胡尚書

宣德初胡漢請加真人張宇清

號崇謙守

靜從之

朝天宮中老道士

劉淵然

臨歸亦賦山水

圖黃冠涉趣偶然耳濫觴於此何遽無後王祖述

盛齋錄香葉遂啟青詞諛君不見明代貂璫弄神

器內侍何年教識字

消寒三集朱蘭友侍讀齋中賦寶晉齋第二硯硯

作亞字形又名黼黻硯文伯仁有跋云出獅子

林池中

米顛癖石兼癖硯袖裏濤翻銀海眩米顛好硯尤

好書滄江盡夜流虹噓往時縱筆御榻側天子聞
聲動顏色書成賜硯拜且舞袍袖郎當灑餘墨世
間奇蹟隨雲煙蟾蜍淚滴秋風前良岳花綱尙塵
土矧茲片石窮雕鐫何來獅林古池內寶氣騰騰
今獨在客筵睹此軒雙眉物聚所好吁已奇文成
兩已號黼黻贅毫自合螭坳隨摩挲古質寒入座
重是米老之所作發墨何如我欲云愛玩玲瓏不
敢唾

消寒四集胡墨莊齋中觀沈暉本元祐黨人碑

臣京承旨編姦黨三百九人歸一網辭曰元祐亂

政臣是非如此真欺罔間之神霄上帝悲刊碑不
難毀亦易夜半鍾聲端禮門當日君臣太兒戲沈
生摹此揚祖風所見未許安民同豈知荃茅不易
辨大有停布闍其中從來公論久自見韓非老子
難同傳無端造作必神姦假此相高亦矜銜青史
千年黑白分那在區區石一片君不見西州豪傑
皇甫規不入黨籍名終垂

吳蘭雪舍人

嵩梁

齋中觀翁覃谿先生所補文文

山與吳架閣書

有序

架閣諱名揚嘗僉文公幕府軍事空坑旣敗文

公以蠟書告賓僚各護部曲歸名揚遂浮沈鄉里入元不仕卒其家藏文公手札三通垂三百年矣忽失去蘭雪因請覃谿先生想像筆法補書之同人爲作詩

霜秋白雁橫天水黃龍海上成漂徙勤王義旅出

江西趙

時賞

鄒

以

而外延陵氏飛芻挽粟費籌畫

手札親承丞相指氣噴稽紹血填曾詞重劉公書

一紙想見賓僚聚集時孤軍風雨情如此空坑一

敗遂浮沈舉目人非心不死閉門僵臥手遺札淚

眼如泉不能止此書雖亡辭未亡重摹頓有賢孫

子金題玉璚發精芒不磨者迹神存矣語君寶此
善收藏匣裏劍光猶突起

題吳穀人先生有正味齋集

先生古貌如神仙先生几席皆雲煙黃河千里一
大曲崑崙絕頂疏言泉巨波軒起海欲立奇氣轟
出山不驚文章不經走天下主盟吾道三十年平
生一瓣自遙祝夢想久落滄江邊

主恩特假此持節升堂再拜何非緣我如春秋小滕薛
附庸豈敢齊楚肩敝帚偏勞重徵索雷門不棄布
鼓懸雄編報我厚尺許璀璨悉是青瑤錯發函三

復古光出皎月不動星橫天古今之才止一石八
斗已爲先生專此詩此筆豈易覲此事合讓先生
傳朝聞吳船出京口明當打鼓金山顛請攜此卷
一雒誦定起江底蛟龍眠

題屠琴塢

傳

邪溪漁隱圖

野水一片流鏡湖溪山幾疊開畫圖彼何人斯山
澤臞漁兄漁弟相追趨平生經濟方發舒牛刀小
試烹鮮餘曷來臨流賦歸歟持竿競入深芙蓉江
神見怪今何如詫君水畜非陶朱此中大有姜詩
魚且勿喚作秋風鱸

游金山觀東坡玉帶作歌

到揚兩月三渡江金山縹緲空在望山靈似與客
有素笑我過去何怱忙今朝公暇頗岑寂若再不
往鷗盟涼且喜晴空斂雪意天吳潛伏波不揚初
從京口放船過已覺冉冉風旌降沙明草淺水勢
落倏忽一葦通輕航山根削石包以屋屋皆樓閣
翹雲窗試登絕頂一縱眺言語隱隱聞天閭海門
千里但一氣坐攬遠色來青蒼周迴窈窕厯層墀
藤几稍憩僧家房老衲持盤出玉帶云此乃是蘇
公裝玉凡廿片舊十六其四新綴由

先皇

東坡玉帶藏寺中遭回祿缺其四版乾隆壬午純廟南巡出內府玉補之

摩挲一再

思往事巧偷豪奪銘鋒鏖遽廬天地一旅舍四大

何遽非禪牀空者非空不解解鈍根之用原無方

一時雅謔成故事圖存寶笈猶輝煌

石渠寶笈有崔子忠印公

留帶

後來好事有祖述焦山留帶楊文襄

楊一清嘗留帶

於焦山留寺

至今乾沒付衲子無從覓素爲收藏

始知在人不在物經濟故亦資文章軒然一踏下

山路微風著水搖清光

題鄧湘皋蓬萊觀海圖

我昨泰岱扶瘦筇乘興直造青芙蓉隱隱晴色吐

日觀潑水側曳扶桑紅天吳跋浪入魚立蜃口幻
出金銀宮就中一粟倏明滅到眼知是蓬萊峰惜
無畸人共嘯詠盧敖若士難尋蹤南來廣陵匠一
月小艚跼踏栖吳膠金焦再過不及上海門東望
徒怱怱今朝失喜遇舊雨下馬一笑淩白虹爲言
昔游如夢寐腳趾曾踏齊州東天教海色付詩客
縮本寫入奚囊中我家黃江逆流處一櫂與君階
砌通潭心秋印石門月香鑪影疊銀屏風故鄉有
山復有水浪憑湖海誇英雄何時拏舟訪梓水
居地名溪口宛在桃花叢芒屨脫卻事漁叟爲我準

備雙釣筒

同人集印心石屋觀李北海嶽麓寺碑舊搨本作

歌用李義山韓碑韻

有序

長沙麓山寺碑唐開元十八年庚午九月李邕
文並書碑尾江夏黃仙鶴勒石者卽邕託名世
謂之三絕邕書此碑原本藏寺內夜光燭天唐
人記其事董其昌跋大照寺碑嘗引之論者謂
其書雄勁勝於雲麾殆不誣也碑在嶽麓書院
右偏有亭覆之旁砌以甃米元章題字碑側爲
甃所隔甃椎不易施碑陰列參軍主簿縣尉等

姓名各有贊語亦邕所書爲後來庸妄人鐫刻
題跋不復成文理惟正面字體完好千餘年來
藝林所寶嘉慶初年有達官遣吏搨取不以法
其碑裂焉或云達官亦欲題名曳碑倒將以磨
刻故遂坼裂沈筠堂太守和油灰集其殘字另
置碑側不能復舊觀矣余家有二本其一爲

堯子讀書嶽麓時所手搨其一爲湘潭陳恪勤
公家舊物李北溟副憲督學湖南時用重價購
之乙亥秋副憲自都門歸粵舉以贈余取兩本
互校則陳本耆門之下有

所臨取於安定者已

陶文毅公全集

卷五十五

詩集

聖

茲九字肅穆之下有不月而相事澄明化域九

字除結之下有洞陰嘗與炎漢太宗長沙清十

一字眾表之下有之明口行口水四字行字上下二字

陳本亦缺故能聞之下有者口其風口者深其道七

字其風上下二非法之下有隨品類而得根去

二八字披揚之下有宿志者乎司馬西河寶九

字書以重陳本缺而雅之下有俗字興以明而

至道丕九字模楷佛之下有摧僑慢之四字作

則安之下有樂是依靈鷲是式一想冥十字人

天之下有護字禪房之下有其二函谷山翳崇

山右峙瞰

十一字雲起之下有

雷激口際

三字

激字下一字
陳本亦缺

齊哲之下有

佛日還照牛車結轍

八字欽烈之下有

訪道追勝形

五字無能惟之

下有

石可久與山不崩

七字此外眼見之上空

一字守護法身之下空一字紹賢遠之下空四

字龍宮之難之下龍象擁之下俱空一字碑尾

年月之下缺某日建並江夏黃仙鶴數字則兩

本皆然碑已殘缺世間佳本日少

先子所揭

在乾隆癸卯間其時碑猶未裂陳本尤完善當

爲

國初以前物皆可寶也暇日與諸君爲消寒會出此
展玩因相與賦之以貽好事者考訂云爾

論書夙愛江夏姿筆法直溯獻與羲平生氣節貫
金石碑版照耀陵四夷龍宮增廟衛浩劫靈威欲
守千熊罷東林大照富妙墨雄峻詎止雙雲麾詞
林獨步四十載聲華灑落推總持千將莫邪自快
利所至眉宇瞻星旗時論久無張相國才高豈免
謗口隨

金壺記云時論於詩則崔灝王維於筆則王綰李邕祖詠張說不得與焉說之擠邕

盡亦

由此 獬狴性本噬忠直何論亘道羣狐貌但惜太

倉號博識撼樹亦復多譏訾

王鳳洲謂北海文體庸陋實則當時體耳

至今麓山峙最屬名傳三絕無異辭文體淵岳宇

瓊瑤鐫刻亦是公所爲想見觀經路填咽參軍簿

尉趁羣司小絃不淫大絃雅

碑陰刻同時僚吏贊語甚多有大絃既雅

小絃不淫句尚可讀又英英拔雲等句刻於側面乃不及在會者所補也

空山坐對神

情願驚迴鵲起舞層壑湘波倒立雲滲滴當年追

琢銳石骨古哀曾入杜老詩雲山玉佩留典則故

應永鎮崇巖墀揭來俗子綴題跋六丁怒遣雷轟

碑千年神物坐毀缺生裂鳳腦務虬螭滄洲此本

拓已久李侯贈我公匪私持校先公昔日本手

澤敬憶親裝治蒼然古色上几案對之奕奕澄心

脾丹黃更與掃落葉亥豕讐訂勞奚辭

近日全唐文刻校取

此碑校譌字甚多如碑內開皇九年竟譌爲開元通計共譌二十八字

懸知珍寶蹤

龍象夜氣燭天猶赫熙

豈碑放光事見文苑英華

我無南田縫

衣癖

憚南田嘗得北海書雲麾碑舊本縫入棉衣以防失墜

意所欲造心難

追朝來集客共展玩巾箱幽懿無癡胝會須响屨

附禹碣炎方終古森盤基

丙子十二月十九日梁茵鄰儀部招同黃霽青朱

蘭友劉芙初陳石士胡墨莊集齋中爲東坡先

生作生日

南飛一曲雲中起續續客來吹笛李

是日早間李蘭卿舍人亦

舉斯會世
鄰與焉

送臘迎春一日間

是日立春

巧使今年逢丙

子平生三萬六千日茲來七百八十載黃雞白日
古同催誰似先生真不死湖山往事已依稀風日
壺天自清美前身尙記陝右程故宅難忘紗縠里
鳳毛麟角出崢嶸玉宇瓊樓悵巍歸富貴春婆久
夢荒文章醉叟曾知己自緣磨蝎逐韓窮豈知謁
鼉驚時宰九死南荒氣未降一鳴馬櫪心長在歸
來客本是陳人老去曾猶豁滄海吾儕仰止切高
山雪堂風味後前軌燒豬且共試參寥拄杖無須
送難弟羽衣登樓樂若何祭竈請鄰例如此詩成

持訊蘇齋翁

是日拜像借之翁覃溪先生

奎垣作作星芒燁

送謝指揮

照

分郡兗州

驕陽燬空成烈炬六月行人汗如煮天外惟看野

馬飛雲中不見商羊舞

皇心閔農兼飭吏謂恐稂莠敗禾黍因君緝捕夙稱能

俾佐銅符莅東土利器宜施盤錯先小瀛不折蓬

萊股

初選登州

上以其地簡

特寄諭撫

臣於兗沂曹一帶對調改是在蓋君於中城

任內曾以緝捕出力蒙

恩賞戴朝枝故

上識之

我聞洙泗風齟齬秀

良從古推鄒魯何來莽莽沂曹間幾處鴈鸞化鵲

鼠健兒尙佩腰間牛老婦空悲山側虎武健奚堪

屬繭絲旋轉由來捷桴鼓漸摩之責豈惟民徂盡
此心終有補期君努力答

天恩朝來且喜隨車雨

黃霽青齋中同陳石士朱蘭友梁荳鄰劉芙初李
蘭卿敬觀紀文達公硯銘拓本紀之以詩用昌
黎石鼓歌韻

硯材古推紫雲產青花始入長吉歌宋人譜記列
端歛紛紛甲乙當云何細書深刊作題品古法詎

睹父與戈我師嗜硯有夙癖今此拓本誰所磨山

房舊題九十九

公有九十
九硯齋

螭乳鸞鶴皆駢羅豐城

寶氣在牛斗圖之紙上猶鬱義滓如翩然耀白晝

翼此回氏交佩阿諦觀銘詞尤古致往往往莊論兼

嘻訶仙人粲花吐妙慧意在返樸祛澆訛銘詞如赤石硯

云迂士得之琢雕為樸溜石硯云刻鳥鏤花彌工

彌俗螭紋硯云雕鏤盤螭俗工之式仿宋硯云石

則新式則古與其雕鏤吾寧取此圭硯云腹劍深

藏君子所惡紫石硯云撫一語於范經曰尚有典

型隨舉數則平生不屑義獻列豈暇點畫窮穗蚪

皆有深意師不善書嘗題硯匣云寄語清文章小技實載道

河張彥遠此翁原不入書家要便俗耳驚鳴鼃或題浮筠所修四庫全書時誌

帝貺貫時有節無改柯或題升恒象天保銘曰作頌稱終

古日月無停梭或題囊笏溯授受劉文正公硯云

如鄭公笏千秋

生敬又一硯云此是乾隆
辛卯歲醉翁親付老門生或題黼斧明委蛇銘曰

昇平藉有文章老夫耄
矣猶思拜手而廣幾或留餘地學耕叟留耕硯

者誰善留餘地忠
厚之心慶延于世或畫壺盧嬉墨娥銘曰雖畫壺

又日既有壺
盧無妨依樣兩行麗天煥星日金水附日硯云金

天既成象百川障海迴潛沱月隄硯云緬想在都

御史取伉爽劉石庵先生贈公硯銘如富鄭公宜

祥和挈瓶硯云守口如瓶鄭公八十之所銘我今

聽言豈一端各有當德行文學原殊科公之銘硯

不在硯略舉一二餘猶多當年玉堂盛著作公官

士即與廣和天章及後官侍健筆一掃千

明駝遠經瀚海歷絕徼見聞廣博無能過歸來

四庫手校勘牙籤十萬勞攻磋火精墮地眼若炬

相傳

公所居崔莊有火毬每夜輒出作作有芒卽之則已遠公生後其毬遂不復見

詞淵沐浴

湧

恩波

公直文淵閣事自讀學至協揆皆如故

餘風沾丐渾未沫吉光片羽歸

黃顛尊彝自古起肅敬矧此撰杖人非他門牆回

首十六載步趨未能慚要要早聞天親悟無著流

傳幾處供按掌

公嘗題鄭夾漈硯云於今到處人增愛何必流傳付子孫

多君

嗜好過顛米更邀吾輩同詠哦寒風叫窗雪壓樹

打門未斂詩壇驚方今

朝廷重儒術雅頌制作登猗那希風歐蘇有元老齊
名韓柳誰劉軻置身萬古期不廢如公姓字真江
河須知傳人有傳物此意共勛毋蹉跎

用東坡韻題雪浪石銘縮臨本應李蘭卿

礪石磊磊姿虬屯

純皇帝雪浪石記向置定州者虬屯磊磊有礪石之用

問名乃以坡老尊天寒玉井激暗浪至今雨雪猶
冥昏飛空頗訝廬阜瀑伏流宛入懸水村當年衙

坐念鄉國離堆立鐵江繞門天工巧構出意匠畫

理欲起孫家魂

銘云盡水之變蜀二孫與不定州傳者歸九原謂孫位孫知幾

臨城屢移置

康熙中臨城令宋某自定州移石於彼建池亭其間其後鞠爲阜摠用石

繫馬有渡齋咆哮之異乾隆丙戌定州牧李文耀
復詣臨城掘得之直督方觀承請移入苑囿

上命仍置

定州雪浪齋中占色不改蒼山根多君好古手臨

縮紙上幻出雲濤痕一拳倏睹千億本百東坡化
哈同論壺天底用袖東海仇池已落青銅盆銘辭

讀罷一回首細推物理薪傳存

王孝子詞

名殿堦編修贈芳之父

廬陵有孝子善事大母後父指父憂亦憂父喜亦
喜惟孝子生孝子彼時孝子乃童子

一解孝子有父

父病足其行踰屣杖必竹孝子侍左右形影常相

逐

二解

孝子有母母病疽瘡血多母血枯孝子吮血

如醍醐瘡血盡母病癒三孝子父病不食孝子禱

天夜繼日天畀三年延父息四已而父竟死哭之

痛幾絕仰首呼天天亦惻星影沈沈黯如墨五父

死矣兒方病母病矣兒何命母病摧兒心小兒之

病何足問兒病死豈不知恐母知之增母病六孝

子哭父慟爲母常悲辛母今死矣安用身哀哀父

母哭不聞兒生依父母父母死依父母墳七松柏

路夜雷雨三更繞墓啼聲苦風聲蕭蕭虎聲怒孝

子啼聲高於虎虎聞血淚腥悲鳴去如鼠八三尺

杖桐已枯血淚斑斑桐復蘇誠孝所感逮草木小

人奚忍爲穿窬

九解

驕陽烈烈旱太甚溝無稗井無

綆孝子思親渴忘飲血淚如泉變甘井

十解

孝子哭

父母血淚常不乾血乾淚盡從黃泉

十一解

吾聞忠

臣與孝子鬼神佑之多福祉嗚呼孝子胡爲死嗚

呼孝子原不死君不見王孝子

十二解

白節母傳略題詞

噫吁噫天有知耶妖嬈飽而季女飢天無知耶繁

霜隕而松有枝天無知耶天有知於何徵之白氏

嫠

一解

嫠之歸也年十六庭無析荆階有慈竹儀抑

抑兮心肅肅是以家人稱之曰賢君子宜之曰淑

二解無何驚噩夢而忽失所天月殘空有鏡冰斷不

一成絃兒生八月耳伏枕呱呱然

三解

發心何心發身

何身哀鴻獨叫離其羣側身呼天天應聞驚而泣

者尤紛紛星之娥雲之君

四解

一鉦聲隱隱懸之在

我旁一劍光耿耿置之在我牀我身如鐵心如鋼

鉦也劍也以此爲防

氏以鉦劍防強暴
常懸臥內

五解軋軋兮機

鳴喃喃兮書聲勸兒兮努力視兒兮成名荻灰撥

盡孤燈橫於牀艱矣兒之成於牀瘁矣母之生

六解

卒年四十六兒已游於泮母始顧之喜已而愴然

嘆回首冰霜三十年長夜漫漫茲始旦九原之人

應一粲

七解

兒旋舉於鄉頃復官於司綽楔表閭拜

帝之施綈雖未見綈知之噫吁噫天無知耶天有知

八解

索黃左川先生畫漕河禱冰第二圖

先生作詩如作畫晴空霹靂蛟龍挂先生作畫如

作詩墨波倒湧天風吹我交先生非一日篋裏可

無先生筆昨來親謁先生門雄編遺我青瑤琨

承贈

新刻

清光頓豁九里霧詩耶畫耶神理存回思往

集

歲持使節漕艘不行天欲雪齋青馳禱雲中君一

夜湖冰俱瓦裂區臣入告荷

繪音靈祠重拓荷塘陰名號

新題字如斗

天章捧出先生手

先生時爲禮部侍郎

銀榜煌煌照水湄

古同不朽野雲山人曾作圖

前圖泰州朱椿年作

題詩已滿

雲模糊先生墨螺貯百斛肯惜廬山開面目矧茲

露筋蹟本自唐以前元章作記事始傳滄江虹氣

夜貫月待補米家書畫船

吳巢松編修

慈鶴

賦長句題拙集次韻奉答

平生相從一硯石著手未穿頭漸白自憐才小若

心泉大海誰許分微涓豈如夫君神秀聳黃氣眉

間自森動閒將赤手挽河流笑呼市人賈餘勇飛

騰肯受昔賢羈卓犖真令時輩懷往者度嶺看海

色萬水壁立天風洶珊瑚不能波下伏珠樹遂向

雲邊種一入詞垣拔幟先

君散館名列第一

科目羣言得

晁董愧我年齊才不齊

余與君同戊戌生

東西塗抹成癢

胝眼有五嶽詎非福胸無四庫難爲奇譬如將兵

不十萬何敢遂建大將旗延津風雨忽會合劍氣

起躍雙龍嘶從來文彩不虛用每怪時賢矜蠟鳳

縱教五綵裝傀儡曾否四肢關癢痛今人已薄宋

元明古義誰陳風雅頌鋪排故實祇榛蕪播弄性

靈復枵洞如君大雅良足多鞋縱天馬空驢羸秋

階幾日新雨溼抱琴喜就龍門柯感君擊節爲我
歌我亦爲君歌若何知君努力在復古幸勿吝我
金沙磨

消寒集印心石屋以狼毫筆分贈同人

有序

筆爲高麗豐山君洪顯周所寄洪因權品山歸
國見余詩貽書求筆札甚殷且言彼中結社額
曰擬陶詩屋每次余詩爲韻雞林人嗜好文字
如此

印石先生瘦於竹搦管題詩森束束筆耕半世猶
無田管城子相非食肉簪毫每愧時賢能著手空

驚前輩毒年來才盡似江淹坐笑中書老將禿何

來雞林好事人嗜痴有癖情偏篤傳聞詩社客如

雲擬陶新拓梅花屋

高麗舊有梅花社作者十餘人頃寄一軸至皆和余印心

詩韻其篆章

名香三日漫懷荷

有韓永元者和余百花潭韻見寄云

望中遙想眉端氣

團扇千家誰畫陸乘鸞海客尤

好奇

豐山君號海居國主之妹夫

半而未謀心已知斑斑瓊管

遠貽贈云此筆潤宜爲詩我聞黃鼠狼

盛京志鼯鼠一名

黃鼠狼其尾高麗人以爲筆

窩集偕鹿麋

海邊林木叢深處曰窩集

只今煙

墨走冰紉想見深山嘯風雨猩猩五車易足多白

狼三章行可補吾儕生際

盛時居赤縣不待華嚴誦經卷

石林詩話高麗國王王徽常誦華嚴經祈生中

國詩成莫惜夜光投

坡詩錦囊詩草勤收拾莫遺雞林得夜光故事還

應續松扇

坡公有和張耒高麗松扇詩

題趙象庵舍人

鉞菊隱圖

花中隱逸惟黃花
花開合在幽人家
豈意金門祕

書客閉門獨坐花
爲衙長安城中塵
土軟幾處瑤

臺與瓊館芍藥衣
繡桃賜緋奔走看
花愁影短先

生默坐雙掩扉
俗慮不使昏天機
不問春風問春

雨菊苗自種鴉鋤
肥一夜秋風樹間
作百花紛紛

紅影落金谷荒涼
玉勒稀十里風光
總蕭索先生

陶文毅公全集

卷五十五

詩集

三

此時獨悠然支筇佇立清風天傲霜有骨白高潔
古香不作時俗妍有時對花發清嘯左右花枝高
於脣一枝一花一幽人花間寫出先生貌先生對
花如對友風冷疏籬靜相守石交惟許白衣來一
卷離騷酒十斗九月風高十月寒落花如霰香闌
干人家落花嫌寂寞先生留爲晚節看更拾黃英
作高枕春夢何如秋夢冷醒來細讀南山詩此意
十年無人省閒將古趣寄畫圖冷官況味同清疏
榮枯世事豈暇問桃李繁華今在無眼前紅紫幾
鮮豔鹿鹿四時嗟仕宦始知大隱本市朝有菊何

須憶槃澗

陶文毅公全集

卷五十五 詩集